

Guangjisi Minzcu Bau

ganhhau: CN45-0036 B.2013 Nd.2 Ng.27 liggaueq gveiqceih nienz ndwencieng cibbet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3062期

Duh'anh: Seiq Hangh Cosih Hawj Saujsu Minzcu Vwnzva Saehnieb Hoengh

都安:四措施推动少数民族文化事业繁荣

Gaenh bi daeuj, Duh'anh Yauz-cuz Swciyen aeu seiq hangh cosih gyadaih ligdoh gensez saujsu minzcu vwnzva saehnieb, coicaenh saujsu minzcu vwnzva saehnieb hoenghwd fazcanj.

It dwg gyagiengz ligdoh gensez saujsu minzcu vwnzva gihcu sezihi. Dangqanaj, daengx yienh 19 aen yangh(cin) vwnzvacan cienzbouh laeb miz ranzcanfangz 400 bingzmij dox-hwnj; hwnjbaenz ranzsa nungz-gyah 248 aen, moix aen boiq saw 2000 bonj doxhwnj; laebguh sinsiz caemhyiengj gunghcwngz gihcwngz fuzvudenj yienh gaep aen he,

yangh(cin) gaep 19 aen nem cunh gaep 240 aen.

Ngeih dwg cigiz cujiz gaihcanj lajmbanj gak loih ginzcu vwnzva hozdung. Bi'gvaq, aen yienh neix gaenq cujiz 82 aen lajmbanj yeziz vwnzyidui nem minzgenh yisuzdonz roengz mbanj, haeuj hagdangz byaujyenj 500 lai ciengzbaez, bouxyawj miz 60 lai fanh vwnzbaez. Neix dazyinx nungzminz maij camgya vwnzva hozdung, mboujduenh fung-fouq minzcu vwnzva swnghoz.

Sam dwg genhciz moix bi gawjhengz Yauzcu "Ciet Cuzcuze", Bouxcuengh "sam nyied sam" daengj

minzcu cietgingq hozdung. Hozdung aeu byaujyenj minzcu yenzswnghdai vwnzva guhcawj. Doenggvaq hozdung hawj gak minzcu lai doxgyau, coicaenh vatgud, swnjcienz nem fazcanj minzcu conzdungj vwnzva.

Seiq dwg ca ndei hong diuyenz saujsu minzcu vwnzva canjyez. Aen yienh neix genhciz aeu "henhoh, cingileix, yenzgiu, daezsang, fazcanj" guh fuengcim, haeuj dieg saujsu minzcu bae guh ndei hong diuyenz vwnzva minzcu, vih aen yienh neix gij vwnzva swhyenz saujsu minzcu ndaej henhoh, cingileix, haifat laeb-hwnj giekdaej. (Lanz Fuzgvanh)

SIUSIK DINJ

简讯

● 2 nyied 18 hau, Lingzyinz Yen Minzcuigiz cujyau lingjdauj daiq daengxcungq ganbu cigungh daengz Ya'gyaz Yangh Nungfuz Yauzcu Cunh caeuq Suijluz Cunh gizdieg ndaem faex ndaem faexlw. Ginggvaq haenq guh ngoenz he, gyoengqde ndaem faexcoengz lwg daengj 160 go. (Loz Caijinz)

● 2 nyied 18 hau banhaet, Lungzlinz Gak Cuz Swciyen Dwngoz Yangh Myauzcu "ciet diuqbo" heijbanh lo. Baenz cien baenz fanh boux ginzcu henzgyawj caeuq ndaw gih rog gih boux gyaenz ingjsiengq haenx daeuj camgya, neix hawj aen yangh neix gak cuz ginzcu gvaq cieng engq nauhyied.

(Yangz Dwngliengz)

● 2 nyied 17 hau, Sanh-gyangh Duncuz Swciyen Fuluz Yangh Gauh'anh Cunh vwnz cien vwnz fanh, sing luzswngh nem sing fwen goksasa. 22 aen luzswnghdai daj gij yangh(cin) henzgyaiq Gveicouh nem gih raeuz daeuj haenx doxcomz henz Dahyungzyangh, haenqrengz ciengq ok go minzcu doxgiet huzndei, doengzcaez hohfuk bi moq guh saeh swnhleih, saedceij engq ndei. (Gungh Bujangh)

● 2 nyied 15 hau, Denzlinz Yen Nazlah Cunh boux Yauzcu ndaw mbanj gak cujiz hwnjdaej banh Yauzcu vwnzva yisuzceez, gyoengq Yauzcu nem Bouxcuengh daj Yinznanz Vwnzsan, Funingz, gih raeuz Dava caeuq ndaw yienh daeuj haenx faenfaen laebduenz camgya. Gij vwnzyi donzdui ndaw-biengz neix byaujyenj Yauzcu vwnzva cezmu, hawj baenz cien boux Yauzcu gvaq ciet engq angqyangz vuenyungz.

(Fungz Cinhyinz Luz Anhbingz)

● 2 nyied 13 hau, 2013 nienz "vujdaiz hung mbanj Mulaujcu" daihseiq gaiq lajmbanj vwnzyi comzyienj youq ndaw yienh vwnzva gvangjangz heijbanh lo, baez hozdung neix gunh 4 ngoenz, 11 aen yangh(cin) 80 lai aen cezmu camgya. Neix hawj vwnzlai youq ndwencieng ndaej yiengsouh vwnzyi, vanzlij hawj vwnzyi lajmbanj engq hoengh.

(Moz Vwnzswh)

Dasinh: Angqyangz Vuenyungz Gvaq Cibngux



2 nyied 24 hau(cien cibngux), youq Dasinh Yen Dwzdenh Gvangjangz, "duzlungz" "saecij" cingq diuqduq yaetyaet, nauhyied dangqmaz. Ginzcu henzgyawj comz daeuj gizneix doengzcaez hoh cieng moq gvaq cibngux. Ngoenzhaenx, Sozlungz, Leizbingz, Baujhih daengj 10 lai aen yangh (cin) yanghgohdai, lungz-swhdai 200 lai boux ginzcu camgya yienjok. Hozdung baugvat max-gyaek, dwk lwgyangq, daemj Mancuengh daengj conzdungj byaujyenj caeuq gyauhdungh ancienz, meijdwz senhconz nem vwnzyi yienjok daengj. Yienhciegz nauhyied raixcaix, dajyinx le haujlai hekyouz daeuj yawj. Ndaw doz dwg lungzswdai cingq byaujyenj.

(Cinz Youjcaiz)

Lungzswng: Lai Hangh Cosih Hawj Ginzcu Saujsu Minzcu Gvaq Cieng Angqyangz

龙胜:多举措让少数民族群众过上平安祥和春节

Ndwencieng geizgan, Lungzswng Gak Cuz Swciyen aeu lai hangh sosih, sawj ginzcu saujsu minzcu dangdieg ndaej gvaq cieng angqyangz. It dwg yaenqfat 《Aen Gunghcoz Yian Gvendaengz Lungzswng Gak Cuz Swciyen Wngqdoiq Mbwn Nit, Nae Giet Daengj Caihaih Bauj Roen Doeng Ndei Nem Gyauhdungh Ancienz》. Ngeih dwg

nyinhcaen guh ndei hong hawj ginzcu saujsu minzcu gungzhoj ancienz gvaq seizdoeng. Ndwencieng gaxgonq, aen yienh neix minzcwn bumwnz gaenq fat 1795 fan denz, 2001 geu buhmienz, 1972 geu buhveiswng, 4058 gouh haiz, 78000 gaen haexsan hawj ginzcu saujsu minzcu gungzhoj. Sam dwg comz rengz gaihcanj "cawz feiz yiemj, bauj

bingzonj" seizdoeng seizcin cienhangh hengzdoeng. Seiq dwg ndwencieng geizgan guh ndei hong bauj dieg saujsu minzcu gigwn ancienz. Gyagiengz caz gizdieg cungdenj, binjcuengj cungdenj, giyez cungdenj, roengzrengz guh ndei hong fuengzre dieg saujsu minzcu gigwn ancienz.

(Siz Lingzgyangj Ciengj Bauj-cwngz Cungh Bingji)